

# INDEX GEOGRAPHICUS. 63

rentis, qui est contra Jeconam, meminit. Jecnam ipsimet Josue est inter Leviticis urbes è Tribu Zabulon sumptas: loci nomen desideratur 1. Paral. 6. v. 77. sed & Josue 12. v. 22. inter Reges à se devictos habet: Rex Jechanan Carmeli unus; qui non alius, quam Jechonam, ubi Carmeli radices extendunt se.

Jectan, Genes. 10. v. 26. qui Jectan genuit Elmodad, & Saleph, & Afarmoth, & Jare, v. 27. & Adurem, & Uzal, & Decla, v. 28. & Ebal, & Abimaël, Saba, v. 29. & Ophir, & Hevila, & Jobab: Omnes hi filii Jectan, v. 30. & facta est habitatio eorum de Messa pergentibus usque Sephar montem orientalem. Singulos vide suis locis: ut & Messa five Mesa & Sophar, quæ omnia in occiduis, & meridionalibus sunt Arabiae foelicis partibus.

Jecthel, Petra five Castrum. Amasias Rex Juda percussit Edom in Valle Salinarum, decem millia: & apprehendit Petram in prælio, vocavitque nomen ejus Jecthel, 4. Reg. 14. v. 7. Eadem repetuntur 2. Paral. 25. v. 11. & 12. Amasias abiit in Vallem Salinarum, percussitque filios Seir decem millia, & alia decem millia virorum ceperunt filii Juda, & adduxerunt ad præruptum cujusdam Petrae (Jecthel) præcipitaveruntque eos de summo in præceps. V. Petra.

Jecthel, urbs in parte tertia Tribus Judæ sexta describitur, inter Masepha & Lachis, Josue 15. v. 38.

Jedala, Josue 19. v. 15. inter urbes duodecim Tribus Zabulon, ac undecima describitur.

Jefleti locus in termino Tribus Ephraim contra Tribum Benjamin, inter Archiatharoth, & Bethoron inferiorem, Josue 16. v. 3.

Jegbaa est inter urbes Tribus Gad, Numer. 32. v. 35. & Judic. 8. v. 11. non longè à Jecbaa, Gedeon iterum percussit Madianitarum castra, & fugientes Zebee & Salmana interfecit.

Jemeni aliàs Jemini. Saül asinas patris quærens, transit per montem Ephraim, & per Terras Salisa, Salem, Jemini & Suph: ex terræ proculdubio sunt familiarum quarundam prædia, in confiniis Tribuum Benjamin, & Ephraim. Sed & Cis pater Saül erat è familia Jemini ex 1. Reg. 9.

Jephtha in quarta parte five Regione Tribus Judæ, quarta ea describitur inter Asan, & Esna, Josue 15. v. 43.

Jephthael. V. Vallis Jephthael.

Jericho civitas notissima in Veteri Testamento, quod Josue eam septies circumiens cum Arca Domini, & cum Sacerdotibus buccinas plangentibus, muri ejus firmissimi funditus corruerint: & urbs capta & diruta fuerit, Josue 6. Josephus 5. Bell. c. 4. Hiericuntinae civitatis situm describit, & ab Hierosolymis 150. stadiis distare ait, & à Jordane 60. sunt M. P. 7500. à Jordane, 18500. à Hierosolymis... 16. tantum hinc videntur in Tabula Itineraria Rom. Matth. 20. v. 29. & seq. Duobus cæcis secus viam sedentibus, ipsumque transeuntem Jesum vocantibus, ipse misertus eorum oculos tetigit, & aperuit. Inter eos fuit Barthimæus filius Thimæi, Marc. 10. v. 46. & seq. Luc. 18. v. 35. Lucas iterum 19. v. 1. Zachæi publicanorum principis meminit, quem cum Christus ex arbore evocasset, etiam in ejus domum, quæ in Jericho, intravit; & salutem fecit. Jericho urbs palmarum aliquando dicitur, ob palmarum in ejus territorio abundantiam.

Jercon, aliàs Aquæ Jercon. V. Majarcon.

Jeron, urbs in Tribu Nephthalim, Josue 19. v. 38.

Jercon urbs. V. Majarcon, Mei-ercon.

Jerimoth urbs regia in secunda, eaque campestri regione Tribus Judæ,

| Latit.<br>Gr. Scr.    | Longit.<br>Gr. Scr.  |
|-----------------------|----------------------|
| 22. 0.                | 75. 0.               |
| 30. 0.                | 67. 25.              |
| 31. 36.               | 66. 34.              |
| 32. 39.               | 67. 9.               |
| 31. 59.               | 66. 37.              |
| 32. 8.                | 67. 32.              |
| 32. 16.               | 66. 58.              |
| 31. 19.               | 66. 10.              |
| 32. 50.               | 67. 10.              |
| 31. 37. $\frac{1}{2}$ | 67. 0.               |
| 31. 59.               | 66. 2.               |
| 33. 0.                | 67. 46.              |
| 32. 57. $\frac{1}{2}$ | 66. 2. $\frac{1}{2}$ |
| 31. 31.               | 66. 3.               |